


# Ta calcula cu Aruba Ports a sufri mas di 5 miyon di daño

Containership "Zim Houston" no por bandona Aruba



ORANJESTAD (AAN): Awor cu tin un vista pa cu e daño cu APA a sufri despues cu e barco di container a dal den pilot boat, waf, unda hasta edificio a scheur, etc., ta calcula cu e daño acumulativo ta riba 5 miyon segun informe nobo cu DIARIO ta dispone di dje.

Manera ta conoci, siman pasa Diahuebs e barco di container "Zim Houston" a drenta haf di Oranjestad y durante maniobra algo a bay robz cu a pone e barco a cambia rumbo y a bay dal den waf causando bastante daño.

E incidente aki a pone cu compania di Aseguro y tambe Scheepsvaart inspectie a haci investigacion.

Resultado ta cu por lo pronto e barco no por bandona Aruba, mientras segun informe tanto e capitán y tambe e loads cu tabata

abordo a worde scucha.

Recien e barco a worde move pa un otro lugar pa asina duna espacio na otro barco di container pa baha nan carganan. Ta intencion cu den curso di e siman aki lo por asina leu cu cierto suma di placa lo worde deposita pa

posiblemente algo mas cu dos miyon fuera tambe lo mester tin e garantia pa cu daño cu APA a sufri worde cubri.

Pa loke ta e edificio di APA, esaki lo bay worde tumba debi cu el a sufri daño enorme na momento cu "Zim" a dal den waf. E shock tabata asina fuerte cu casi esaki a basha den otro di tanto scheur ricibi. Hasta tabata tin personal a sali na careda na momento e barco a dal den waf y a tembla e edificio di dos piso aki.

Un informe internacional ta menciona cu na Hulanda tambe pero den e caso aki un barco crusero a dal den waf na Amsterdam. Aki ta un restaurant a sufri daño y segun




Polis Hulandes tin tres persona a keda herida. Tin sospechoso algo a bay robz cu aki tambe e crucero a perde rumbo cu e capitán no

tabatin control mas cu e consecucionan ya menciona. Esnan cu a keda herida ta dos pasahero abordo di e crusero y un

bishitante den e restaurant Italiano. Debi cu e restaurant a ricibi daño y ta na punto pa basha den otro autoridad a laga deshaci di esaki.

## KEN TA TUMA KEN HASI.....!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455



60 Second

ABS

Afl: 35,=